



Fakulteti i Mjekësisë
Universiteti i Prishtinës

STRATEGJIA ZHVILLIMORE

2016-2020

Përmbledhje e shkurtër



Shtator, 2016

Përmbledhje e shkurtër

Ky dokument përshkruan draft-strategjinë zhvillimore të Fakultetit të Mjekësisë për periudhën 2016-2020.

Me një staf prej përafërsisht 300 Profesorëve dhe Asistentëve, Fakulteti i Mjekësisë është një nga njësitë më të mëdha të Universitetit të Prishtinës dhe përbëhet nga gjashtë programe studimore: Mjekësia e Përgjithshme, Stomatologjia, Farmacia, Fizioterapia, Infermiera dhe Mamia. Gjatë vitit akademik 2015/16 Fakulteti i Mjekësisë kishte gjithsej 4126 studentëve të nacionaliteteve të ndryshme ndërsa përafërsisht 400 student diplomojnë nga ky Fakultet çdo vit. Fakulteti i Mjekësisë është një nga njësitë më prestigjioze të Universitetit të Prishtinës me një proces mjaft kompetitiv të pranimit të studentve (çdo vit përafërsisht 2500 studentë aplikojnë për rreth 350 vende të lira). Ky proces kompetitiv i pranimit të studentëve rezulton në pranim të studentëve të cilësisë së lartë në Fakultetin e Mjekësisë. Gjithashtu, vlen të theksohet se të diplomuarit (alumni) e Fakultetit të Mjekësisë, janë profesionistë mjaft të suksesshëm jo vetëm në Kosovë por edhe ndërkombëtarisht.

Strategjia zhvillimore 2016-2020 vendos prioritetet kyqe të cilat do të drejtojnë zhvillimin afat-shkurt dhe afat-mesëm të Fakultetit dhe gjithashtu do të shtrojnë bazën për një zhvillim të qëndrueshëm afat-gjatë të Fakultetit. Këto prioritete janë të bazuara rreth katër fushave kyqe zhvillimore: *cilësia e mësimdhënjes dhe mësimnxënjes, zhvillimi i kapaciteteve hulumtuese, infrastruktura e mësimdhënjes dhe punës kërkimore dhe ndërkombëtarizimi i Fakultetit të Mjekësisë*. Zhvillimi i cilësisë së mësimdhënjes dhe mësimnxënjes është i fokusuar rreth përmirësimit të metodave tradicionale të mësimdhënjes dhe vlerësimit të studentëve, integriteti akademik si dhe sjellja e ideve inovative që do të mbështesin zhvillimin afat-gjatë të cilësisë së mësimdhënjes dhe mësimnxënjes. Në këtë aspekt, ky dokument shtjellon themelimin e e-labororit, qendrës për aftësim klinik, rolin të facilitatorit klinik dhe qendrës informative të barnave.

Përmbledhja ekzekutive e strategjisë zhvillimore 2016-2020 gjithashtu shkurtimisht thekson përmirësimin e kapaciteteve hulumtuese duke caktuar kështu edhe objektivat që duhet arritur gjatë kësaj periudhe kohore. Gjithashtu, në këtë përmbledhje ekzekutive janë përshkruar ndryshimet esenciale infrastrukturore që do të mbështesin zhvillimin e punës kërkimore dhe mësimdhënjes në Fakultetin e Mjekësisë, duke përfshirë këtu edhe mbështetjen e ndërkombëtarizimit të Fakultetit të Mjekësisë. Në këtë aspekt, përveq zgjerimit të bashkëpunimeve ndërkombëtare me Universitetet tjera, këtu gjithashtu përshkruhet një strategji e cila parasheh angazhimin e Diasporës shqiptare dhe alumnit tonë në institucione ndërkombëtare. Ky angazhim do të jetë në baza vizitore dhe rregullta në nivel institucional.

Një ndër strategjitë kyqe që mbështet zhvillimin e Fakultetit të Mjekësisë është edhe pavarësimi funksional. Kjo strategji është prezentuar më poshtë duke përfshirë arsyet se pse ky pavarësim funksional është i nevojshëm në mënyrë që të mbështetet strategjia ambicioze zhvillimore e Fakultetit të Mjekësisë.

Përfundimisht, kjo do të rezultojë në të diplomuar me cilësi më të lartë, sistem më të mirë shëndetësorë në Kosovë si dhe përmirësim të kujdesit dhe sigurisë së pacientit në Kosovë.

Vizioni

Menaxhmenti i ri i Fakultetit të Mjekësisë është duke punuar intensivisht për të përcaktuar prioritet kyqë që do të shtyjnë përpara zhvillimin strategjik të Fakultetit të Mjekësisë gjatë periudhës kohore 2016-2020. Fakulteti i Mjekësisë ka për qëllim arritjen e ekselencës në edukim mjekësorë duke u fokusuar në këto fusha:

- *Cilësia e mësimdhënjes dhe mësimnxënjes;*
- *Zhvillimi i kapaciteteve kërkimore;*
- *Infrastruktura e mësimdhënjes dhe punës kërkimore dhe*
- *Ndërkombëtarizimi i Fakultetit të Mjekësisë*

Duke arritur përmirësime sinjifikante të matshme në këto katër fusha prioritare, Fakulteti i Mjekësisë do të riafirmojë pozitën e tanishme të:

- ***Të qenurit ofruesi kryesorë i edukimit shëndetësorë në Kosovë***
 - Shumica e kosovarëve të punësuar në Europën Përendimore dhe SHBA e që punësohen nëpërmjet diplomave universitare të arritura në Kosovë, janë nga Fakulteti i Mjekësisë.
- ***Të qenurit institucioni me performancë më të mirë kërkimore në Kosovë***
 - shumica e publikimeve (të regjistruara në Scopus), nga Universiteti i Prishtinës, vijnë pikërisht nga Fakulteti i Mjekësisë.

Prioritetet e përcaktuara në këtë strategji zhvillimore nuk kanë për qëllim vetëm riafirmimin e pozitës së tanishme të Fakultetit të Mjekësisë në Kosovë. Këto prioritete kanë për qëllim edhe ngritjen e Fakultetit të Mjekësisë në një nivel që do të jetë kompetitiv në krahasim me ofruesit kryesorë të edukimit shëndetësorë në rajon si dhe ofrimin e të diplomuarve të një cilësie të lartë e që do të ju mundëojë atyre që të jenë të gatshëm të bëhen profesionist shëndetësorë të klasit botërorë. Prandaj, Fakulteti i Mjekësisë synon të bëhet:

Ofrues i edukimit shëndetësorë i një cilësie botërore

Fakulteti i Mjekësisë tradicionalisht ka pasur një cilësi të lartë të studentëve të cilët janë pranuar në këtë Fakultet nëpërmjet një procesi mjaft kompetitiv. Kjo ofron një strukturë të dallueshme të studentëve të motivuar dhe talentuar e të

cilët paraqesin një komponent të rëndësishme të vizionit tonë për të arritur ekselencë në edukim shëndetësorë. Përfundimisht, duke përmbushur prioritetet e mësipërme, Fakulteti i Mjekësisë, brenda një periudhe katër vjeçare, synon që të ndërtojë mbi atë që është punuar deri më tash, shfrytëzojë diversitetin kulturor, social dhe religjioz dhe kështu të bëhet një institucion edukativ atraktiv edhe për student ndërkombëtarë nga rajoni dhe bota.

1) Cilësia e mësimdhënjes dhe mësimnxënjes

Përmirësimi i cilësisë së mësimdhënjes dhe mësimnxënjes në Fakultetin e Mjekësisë, si ofrues lider i edukimit mjekësorë në Kosovë, është një komponentë esenciale drejt progresit të përgjithshëm të kujdesit shëndetësorë në Kosovë. Në të njejtën kohë, përmirësimi i këtij aspekti të edukimit, është një top-prioritet i Fakultetit tonë gjatë katër viteve të ardhshme. Fakulteti i Mjekësisë vazhdimisht do të mundohet të përmirësojë përvojën mësimore të studentëve duke u siguruar se ata pajisen me aftësitë e domosdoshme që do tua mundësonte atyre të jenë profesionistë shëndetësorë të klasit botërorë. Në këtë aspekt, strategjia jonë zhvillimore për periudhën 2016-2020 është e fokusuar në optimizimin e shfrytëzimit të teknikave inovative të mësimdhënjes dhe mësimnxënjes (si p.sh. e-learning, mësimi i bazuar në zgjidhje të problemit dhe mësimi i simuluar) si dhe përdorimin e teknologjive që asistojnë në arritjen e ekselencës në cilësinë e mësimit dhe mësimnxënjes. Më tutje, Fakulteti i Mjekësisë gjatë katër viteve të ardhshme do të punojë intensivisht në modernizimin e teknikave të vlerësimit në mënyrë që procesi i vlerësimit të studentëve jetë në linjë me praktikat më të mira modern dhe duke e siguruar një shkallë të lartë të përpuethshmërisë me praktikat e integritetit akademik. Kjo do të arrihet nëpërmjet trajnimit dhe monitorimit të vazhdueshëm të stafit akademik.

Fakulteti i Mjekësisë synon të afrojë stafin akademik dhe studentët me praktikat më të mira të Universiteteve moderne duke avancuar mësimin e aftësive klinike dhe fillimin e procesit të përqaimit të kreativitetit dhe shfrytëzimit të teknologjisë për të facilituar edukimin mjekësorë. Në këtë aspekt, Fakulteti i Mjekësisë tanimë ka inicuar themelimin e **E-lab, Qendrës së Aftësive Klinike**, rolit të **Facilitatorit Klinik** dhe **Qendrës Informative të Barnave**. *Ne i konsiderojmë këto iniciativa si komponente esenciale që do të na mundësojnë të bëjmë hapin e madhë drejt modernizimit dhe internacionalizimit të Fakultetit tonë. Përfundimisht kjo do të rezultojë në të diplomuar më kompetent dhe në një përmirësim aq shumë të nevojshëm të kujdesit shëndetësorë të Kosovës.*

a) E-lab

E-lab do të dizajnohet në mënyrë të që integroj teknologjitë modern që sunojnë facilitimin e edukimit mjekësorë. Në këtë aspekt, do të përdoren softverë që asistojnë edukimin, e-learning dhe module të edukimit nga distanca.

- ***Përfitimet e pritura:***

- Mundësia për të shfrytëzuar softverë të ndryshëm që do të asistojnë mësimin e studentëve dhe performancën e tyre akademike.
- Mundësia për të matur më mirë aktivitetet mësimore të studentëve
- Shfrytëzimi i softverit kundër plagjiarizmit për të ruajtur integritetin akademik.
- Stimulimi i angazhimit të studentëve dhe ruajtjes së mësimnxënjes
- Mundësia për të ofruar material mësimor interaktiv
- Qasje efektive dhe më e lehtë në databaza të ndryshme
- Mundësia për të integruar më mirë alumni tonë që punojnë në institucione ndërkombëtare
- Facilitimi i trajnimit të vazhdueshëm të stafit tonë akademik në komponente të ndryshme të mësimdhënjes dhe vlerësimit.
- Inicimi i ndërtimit të komponenteve online të lëndëve në programe të ndryshme dhe kështu mbështetja konkrete e facilitimit të bashkëpunimit me staf akademik dhe Universitete ndërkombëtare.

b) Qendra e Aftësisit Klinik

Qendra e Aftësisit Klinik do të jetë një qendër multidisiplinare që do të facilitojë mësimdhënjen dhe mësimnxënjen e aftësive klinike duke simuluar ambiente reale para se studentët të angazhohen në praktikën reale me pacientë. Kjo do të jetë hera e parë që studentët e Fakultetit të Mjekësisë mësojnë në ambient të realitetit të simuluar. Prandaj, Qendra e Aftësisit Klinik do të ofrojë resurse të vlefshme fizike dhe educative që facilitojnë procesin e mësimnxënjes së aftësive klinike.

- ***Përfitimet e pritura:***

- Përmirësim të performancës së studentëve dhe reduktim të ankthit të studentëve para se ata të praktikojnë në pacientë të vërtetë
- Studentët arrijnë një nivel të kënaqshëm të konfidencës dhe profiqencës bazike para punës dhe procedurave me pacientë real.
- Përmirësim i sigurisë së pacientëve dhe mirëqenjes së tyre.
- Mbushja e zbrazëtirës ndërmjet mësimin teorik dhe praktikës klinike

c) Facilitimi klinik

Përmirësimi i eksperiencës klinike të studentëve tonë është një nga themelet e strategjisë tonë zhvillimore. Në këtë aspekt, Fakulteti i Mjekësisë është shumë mirë i pozicionuar në Qendrën Klinike Universitare të Kosovës. Prandaj, ne jemi duke u fokusuar strategjikisht që ta themelojmë rolin e "Facilitatorit Mësimorë Klinik" që do të ri-integrojë përvojën e klinikistëve që punojnë në Qendrën Klinike Universitare të Kosovës (QKUK), në sistemin tonë të edukimit në Fakultetin e Mjekësisë. Roli kyq i Facilitatorëve Mësimorë Klinik do të jetë në asistimin e

studentëve dhe stafit akademik të ri në aktivitetet klinike me qëllim të avancimit të përvojës klinike të studentëve tonë të vitit të fundit (dmth absolventëve). Brenda katër viteve, ne do të punojmë në arritjen e ndërlidhjes 100% të praktikave të simulimit klinik që studentët i bëjnë në Qendrën e Aftësisë Klinik me përvojën reale të studentëve të vitit të fundit, gjithashtu të facilituar nga clinicistët senior të QKUK-së (dmth Facilitatorët Mësimorë Klinik).

- ***Përfitimet e pritura:***

- Avancimi i eksperiencës klinike të studentëve
- Shfrytëzimi më i mirë i ekspertizës klinike që është në dispozicion tek ekspertët në QKUK
- Përmirësimi i bashkëpunimit dhe komunikimit ndërmjet Fakultetit të Mjekësisë dhe qendrave të ndryshme në kampusin e QKUK-së
- Përmirësimi i sigurisë dhe mirëqenjes së pacientëve.

d) Qendra Informativë e Barnave

Fakulteti i Mjekësisë rishtazi ka marrë iniciatiën e themelimit të Qendrës Informativë të Barnave (QIB), në bashkëpunim me Ministrinë e Shëndetësisë, QKUK dhe Agjencinë e Kosovës për Produkte Medicinale. Kjo është e para QIB në Kosovë dhe misioni parësorë i kësaj qendreje është që të sigurohet një përdorim racional i barnave, minimizimi i problemeve nga barnat dhe reduktimi i pranimeve në spital që janë rezultat i përdorimit jo të drejtë të barnave. QIB do të themelohet duke konsideruar rekomandimin zyrtarë të Organizatës Botërore të Shëndetësisë (OBSH) të vitit 1985 për vendet që themelojnë QIB dhe duke konsideruar edhe kërkesat e Federatës Botërore Farmaceutike për themelimin e QIB. Derisa roli parësorë i QIB do të jetë që clinicistët dhe pacientët e Kosovës të marrin informata të paanueshme mbi barnat, gjithashtu pritet që kjo qendër të ketë efekte positive edhe në përmirësimin e mësimdhënjes dhe mësimnxënjes në Fakultetin tonë.

- ***Përfitimet e pritura:***

- Avancimi i aktiviteteve që ndërlidhen me mësimnxënjen dhe mësimdhënjen rreth barnave
- Shfrytëzimi më i mirë i ekspertizës që për momentin është në dispozicion në Degën e Farmacisë dhe Katedrën e Farmakologjisë
- Përmirësimi i bashkëpunimit dhe komunikimit ndërmjet Fakultetit dhe Klinikave të QKUK
- Përmirësimi i sigurisë dhe mirëqenjes së pacientëve
- Mbështetja e clinicistëve të QKUK në lidhje me informim mbi barnat.

Përveq iniciativave të sipërpërmendura që për synim kanë përmirësimin e cilësisë së mësimdhënjes dhe mësimnxënjes në Fakultetin e Mjekësisë, ne jemi fuqimisht të përkushtuar në sigurimin e mundësive të barabarta gjatë procesit të vlerësimeve, integrimin e kujdesit të orientuar në pacientë në kurikulën tonë, fuqizimin e programeve ekzistuese tona me staf akademik të cilësisë së lartë dhe në shfrytëzimin e alumnit lokal dhe ndërkombëtarë në transferimin e praktikave të mira ndërkombëtare në Fakultetin tonë. Gjatë një periudhe katër vjeçare, këto iniciativa pritet që të zvogëlojnë zbrastirjen ekzistuese ndërmjet industrisë dhe Fakultetit, si ofrues i edukimit, në mënyrë që të përmbushen më mirë nevojat e industrisë dhe që Fakulteti të ofroj të diplomuar që janë më mirë të përgaditur. Në këtë aspekt, planifikojmë që stafi akademik i FM vazhdimisht të trajnohet dhe mbështetet në mënyrë që të realizohet plani strategjik i zhvillimit.

2) Zhvillimi i kapaciteteve kërkimore

Fakulteti i Mjekësisë për momentin prodhon shumicën e rezultateve të gjithmbarshme kërkimore të Universitetit të Prishtinës. Ne besojmë që FM është në gjendje që të bëjë hapin e radhës që ndërlidhet me kapacitetet kërkimore. Kjo do të arrihet duke u siguruar që brenda një periudhe katër vjeçare, rezultati kërkimorë i Fakultetit të bëhet i krahasueshëm me partnerët rajonal dhe gjithashtu të bëhet ndërkombëtarisht kompetitiv.

Vizioni jonë është që të dyfishohet rezultati kërkimorë FM brenda periudhës katër vjeçare duke u siguruar për një ngritje vjetore të publikimeve për përafërsisht 25%, nga stafi akademik i FM. Në këtë aspekt, zotimet tona të zhvillimit strategjik për katër vitet e ardhshme janë:

- Trajnimi i stafit akademik në lidhje me përgaditjen e grant-aplikacioneve, shkruarjes së projekteve dhe shkruarjes së publikimeve kërkimore
- Trajnimi i stafit akademik në lidhje me praktikën më të mira të integritetit akademik dhe kërkimorë
- Rritja e angazhimit të stafit akademik në lidhje me mundësitë e financimit nga partnerët nga UE dhe SHBA
- Rritja e angazhimit të stafit akademik në mundësitë e kërkimeve klinike që momentalisht ekzistojnë (por që nuk shfrytëzohet sa duhet) përbrenda QKUK
- Përmirësimi i infrastrukturës kërkimore.

Me qëllim të arritjes së një përmirësimi sinjifikant në kapacitetet tona kërkimore, FM planifikon që 50% e stafit tonë akademik jo-profesional (dmth asistentët) të kenë nivelin PhD të edukimit dhe kështu të rritet kapaciteti i kompetencës në raport me zhvillimin, monitorimin dhe asistencën që ata mund të japin në projekte të ndryshme kërkimore në Fakultet. Sa i përket Profesorëve të Fakultetit, vizioni jonë është që 70% e tyre të bëhen aktiv në aspektin kërkimorë deri në vitin 2020. Gjatë kësaj kohe, vizioni është që të arrihet një nivel i cili do të na mundësojë

përcaktimin e Indeksit të Përformacës Kyqe vjetore për punën e **vazhdueshme** kërkimore të Profesorëve tonë.

Me qëllim të rritjes së financimit dhe përmirësimit të kushteve që do të na mundojë avancimin e përformancës kërkimore, menaxhmenti i ri i FM ka planifikuar themelimin e Grupit Punues për Projekte dhe Donacione. Ky grup punues, i cili përbëhet nga stafi akademik i FM, do të mbështetet që gradualisht të forcojë kapacitet e veta dhe kjo do të rezultojë në mbështetje dhe trajnim të stafit tjetër akademik në lidhje me aktivitetet e ndryshme kërkimore dhe të bazuara në projekte.

3) Infrastruktura e mësimit dhe punës kërkimore

Fakulteti i Mjekësisë momentalisht e ka lokacionin në kampusin e QKUK-së. Vizioni jonë është që studentët dhe stafi akademik të kenë bazën e nevojshme infrastrukturore dhe pajisjet që do do tu mundësojë atyre të kenë një përvojë të shkëlqyeshme mësimore dhe kërkimore. Ne e pranojmë që kjo është një fushë që kërkon investime sinjifikante në mënyrë që të arrihet nje nivel dhe kapacitet i nivelit botërorë.

Menaxhmenti i ri tanimë ka identifikuar një numër aspektesh akute infrastrukturore që kërkojnë përmirësim. Strategjia jonë është që të kërkojmë fonde nga donator të ndryshëm ndërkombëtare në mënyrë që të përmirësohet infrastruktura mësimore dhe kërkimore e Fakultetit. Gjatë katër viteve të ardhshme, ne planifikojmë që nëpërmjet projekteve të ndryshme dhe donacioneve (të facilituara nga grupi punues i sipërshënuara), kjo do të arrihet. Gjithashtu, strategjia jonë është që për herë të parë, Fakulteti të angazhohet me partner nga industria (ajo farmaceutike dhe mjekësore), me qëllim të marrjes së mbështetjes së nevojshme që do të mundësojë realizimin e përmirësimeve të nevojshme infrastrukturore.

Gjatë katër viteve të ardhshme, vizioni jonë është që:

- Të përfundojmë ndërtesën e re të Dekanatit (momentalisht kjo ndërtesë është në ndërtim e sipër dhe pritet që kjo të përfundojë gjatë vitit 2017)
- Të përfundojmë ndërtesën e Degës së Farmacisë
- Të përfundojmë ndërtesën e për kafshët laboratorike

Projektet e mësipërme infrastrukturore pritet që të përmirësojnë rrënjësisht infrastrukturën mësimore dhe kërkimore në Fakultetin e Mjekësisë. Gjithashtu, FM do të fokusohet në përmirësimin e infrastrukturës administrative duke optimizuar shfrytëzimin e përdorimit të teknologjisë në aktivitetet ditore administrative, përmirësimin e komunikimit ndërmjet stafit dhe studentëve dhe përditësimin e vazhdueshëm të ëbfaqes së Fakultetit. Kjo pritet të rezultojë në shkallë më të mirë të satisfaksionit të stafit, studentëve dhe palëve të treta.

4) Ndërkombëtarizimi i Fakultetit të Mjekësisë

Një ndër prioritetet tona kyçe është ndërkombëtarizimi i FM. Në këtë aspekt, ne jemi strategjikisht të fokusuar në pëmirësimin dhe zhvillimin e partneriteteve ndërkombëtare më katër palë kyçe:

- Universitetet e klasit botërorë
- Alumnin që punojnë në institucione ndërkombëtare
- Diasporën shqiptare që punon në Universitete ndërkombëtare dhe sektorin shëndetësorë në vende të zhvilluara
- Donatorët ndërkombëtarë të fokusuar në programme të edukimit (p.sh. UE, USAID etj.)

Gjatë katër viteve të ardhshme, ne synojmë ta përmirësojmë rrënjësisht imazhin e Fakultetit të Mjekësisë duke bashkëpunuar ngusht me Universitetet e klasit botërorë. Në këtë aspekt, menaxhmenti i ri tanimë ka vendosur komunikime dhe bashkëpunime me një numër të institucioneve ndërkombëtare duke përfshirë: Geisel School of Medicine (Dartmouth, SHBA), St Vincent University Hospital, University of Derby (Angli), Linkopin University (Suedi), Curtin University (Australi), University of Lyon 1 (Francë). Këto bashkëpunime pritet të rezultojnë në projekte të cilat do të avancojnë mësimdhënjen dhe mësimnxënjen si dhe kapacitetin kërkimorë të FM gjatë katër viteve të ardhshme. Ne synojmë ta zgjerojmë listën e Universiteteve ndërkombëtare me të cilat do të bashkëpunojmë.

Për të arritur ndërkombëtarizimin e FM, menaxhmenti i FM ka planifikuar angazhimin aktiv të alumnit kosovarë që punon në institucione ndërkombëtare dhe diasporën shqiptare që punon në Universitete ndërkombëtare dhe sektorin shëndetësorë. Plani është që të krijohen rolet e Profesorëve Vizitorë dhe Profesorëve të Jashtëm (Adjunct) në FM dhe kjo do të ngrisë angazhimin aktiv të ekspertëve ndërkombëtarë në FM. Në këtë aspekt, Fakulteti planifikon të organizojë vizita mujore, ligjerata dhe ëorkshope nga alumnit ndërkombëtarë dhe ekspertët akademik dhe shëndetësorë të diasporës. Këto vizita pritet që të rrisin në mënyrë sinjifikante aktivitetet mësimore dhe kërkimore të stafit tonë akademik dhe studentëve në linjë me praktikën më të mirë ndërkombëtare.

Për të facilituar më tutje procesin e ndërkombëtarizimit, Fakulteti i Mjekësisë ka themeluar rishtazi Bordin Ndërkombëtarë të Ekspertëve të Nderit. Ky Bord përbëhet nga Profesorë eminent nga Europa Përendimore, SHBA dhe Australia. Ky Bord do të ofrojë këshilla dhe do të facilitojë ndërkombëtarizimin e FM.

Pavarësia Funktionale

Në mënyrë që të përmbushen prioritetet kyqe të sipërshënuara gjatë shpalimit të vizionit të Fakultetit të Mjekësisë, nevojitet pavarësia funksionale e FM nga Universiteti i Prishtinës. Kjo domosdoshmëri rrjedh nga një numër aktivitete që për momentin FM është e kufizuar t'i performoj si rezultat i centralizimit të kompetencave në nivelin qendrorë të Universitetit. Arsyet kyqe për të cilat nevojitet pavarësia funksionale e FM janë:

- Mundësia për të arritur dhe zbatuar në mënyrë më efikase marrëveshje ndërkombëtare që do të facilitonin ndërkombëtarizimin e FM
- Mundësia për të aplikuar dhe menaxhuar në mënyrë të pavarur dhe më efikase fonde të UE, që do të rezultonte në një stimulim të aplikimeve dhe menaxhim më eficient të projekteve
- Vendosja e rregullave specifike për fushën e Mjekësisë, që momentalisht nuk njihen nga legjislacioni i Universitetit të Prishtinës
- Rritja e pragut të cilësisë dhe kërkesave që ndërlidhen me indeksin e performancës së stafit, duke marrë parasysh se FM ka kapacitete të stafit akademik për të bërë një hap të tillë të rëndësishëm.

Pavarësia funksionale nevojitet për të përmirësuar imazhin ndërkombëtarë të FM, sistemit shëndetësorë të Kosovës dhe për tu bërë kompetitiv në nivelin rajonal dhe ndërkombëtarë në fushën e edukimit mjekësorë si dhe me qëllim të prodhimit të ekspertëve shëndetësorë të nivelit botërorë.

Gjithashtu duhet të theksohet se pavarësia funksionale e Fakultetit të Mjekësisë është rekomanduar nga ekspertët ndërkombëtarë të akreditimit gjatë vlerësimit të fundit të programeve të Fakultetit të Mjekësisë.